



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

8. Iesuitarum origini femina occasionem dedit.

**urn:nbn:de:hbz:466:1-45686**

iam antè sponso enupisset? Immo, quia nuptias carnis repudiavit, plus potuit. Siquidem rex Anzaya ad Christum conuersus, vt regnum quæreret non periturum, cum stupore omnium, regnum caducum deseruit sponte, ac, Lucia comitante, Romam est peregrinatus. Ibi ostendit, quid vir, quid miles, quid rex, à femina pia possit discere. Quippe Christum confessus Deum, crudeli Diocletiani mandato, cum sanctissima Virgine Lucia, alijsque viginti & vno Christianis, in carcerem coniectus, ac postea capite plexus, ad caelestem coronam æternaque cum agno nuptias euolauit. *Tanti dux femina facti,*

## VIII.

Ferrarius die  
31. Augusti.

Itaque non ad fidem tantum, per feminas, viri sunt adducti, verum etiam ad sanctitatem vitæ, constantiamque in fide, conseruanda atque profutenda. Quis nescit ordinem Iesuarum? Eius origo talis fuit. Anno 1355. agebat Senis, Ioannes de Senis dictus, nobili Columbinorum familia oriundus, qui vxore ducta, filium filiamque adeptus, in publica negotia, opesque priuatas augendas admodum intentus, cum aliquando videret, prandium desiderio suo, tardius à coniuge apparari, festinaretque prodire ad condictum, vehementius in eam excanduit. Illa, vt erat pia & modesta, rogauit, vt æquo animo esset, se properè omnia curaturam. Interea, temporis fallendi gratia, codicem antiquum illi porrigebat, de Vitis Patrum, legendum. Ille, vt erat iratus, codicem à se abiecit. Ita autem detumescente, penitens facti, librum de terra sustulit, aperuit, inciditque in vitam B. Mariæ Ægyptiacæ. In qua perlegenda ita incaluit, vt illico alius à se esse cœperit. Itaque rebus caducis omnibus spretis, cœpit pauperibus sese prestare liberaliorem, in templis sistere frequentiore, precibus diuinis exhibere affectiorem: quemque prius vxor ad sacræ historię lectionem inuitauerat, is iam illam vicissim incitabat, ad votum perpetuæ secum castitatis edendum. Exinde seuerè viuere, egenos & morbidos in domum suam pertrahere, ijs seruire, pedes abluere cœpit. Quin & inuentum leprosum, ante templi fores, vlcere coopertum, humeris susceptum in domum suam portauit, vt ei ministraret, qui quia, eo in templo rebus diuinis vacante, euauit, Elysijs quadam odoris fragrantia post

post se relicta, haud ambigue creditus est fuisse Christus. Hoc miraculo igitur commotus Ioannes, omnes opes suas in pauperes sparsit, mendicatio viuens, & vbique in plateis Christum poenitentiamque predicans, 60. discipulos acquisiuit imitatores. His comitantibus Viterbium venit, vt inibi à Pontifice Urbano V. ordo illius confirmaretur, prodigio prius diuinitus confirmatus. Nam, quacunq; incedebat, *laudem* illius diuina bonitas *ex ore infantium perfecit*. Siquidem lactentes fari coeperunt, & clamare ad matres, *Bene facite IESVATIS*. Vnde huius tanti viri originem traxit sanctitas? *Tanti dux femina facti.*

Quanquam vicissim & viri saepe vxoribus fuere morum, ac vita magistrum. In vita SS. Martyrum Cosmæ & Damiani legimus, virum quempiam Malchum nomine pietati cultuiq; sanctorum apprimè deditum alio longè profecturum, vxorem suam Numini & patrocinio SS. martyrum Cosmæ ac Damiani commendasse; eiq; præcepisse, vt tum se sequeretur, si litteras suo sigillo signatas accepisset. Ita discessit. Post dies pauculos adest nuncius, qui à marito affert litteras, notissimo signo clausas, aitq; eam in quadam ciuitate longiùs distante, expectari, se verò illam, intra breue tempus eò perducturum. Sequitur credula & simplex femina, & ignorat, quem ducem sequatur. Nuncij enim vultum habitumq; induerat Auernalis Pseudolus. Ventum erat ad inuia & auia, ibi demum laruam posuit, cumq; feminam peccato non posset, voluit precipitio perdere, & de alto saxo excussam equo in profundam vallem paludemq; iactare. Quo in certamine mulier viri sui memor, oculos primum, deinde etiam manus & vocem ad cælum sustulit, itaq; rogauit: *O Deus SS. Cosmæ & Damiani, succurre mihi, horum enim patrocinio freta, ignotum hunc pestimum ducem secuta sum. Eripite me igitur festinanter, o patroni, ex insidijs manibusq; huius inimici.* Ad verba hæc, cum magno cælestis militiae numero adfuit Cosmas & Damianus, militari habitu instructi. Quibus aspectis Proserpinæ nuncius se ipsum de rupe in caput precipitauit, viderique desijt. Relictam igitur feminam Diui, per ignotas vias, incolumem reduxerunt. Quibus

F f f

laudan-

Psal. 8. 3.

IX.  
Sur. 27. Sept.  
in vita SS.  
Cosm. & Da-  
miani